

Blagèeri



e VSG Bangg

Värs 2021

Mir frooge uns was isch dr Grund
Dass Corona Zahl z'Ziiri nit aabe kunnt
Mir finde's uuse bim Fakte tschegge
Mit so eme Lümpli kasch kai Ziirischnurre degge

Fyr neuu Flieger saage d' Stimmbürger joo
Ab dem Ergebnis isch unseri Amhänd froo
Hauptufgoob vo de Flieger isch denne go mässe
Wievil Schöffli der bösi Wolf duet frässe

Nach knapp zwei Wuche me glaubts jo kuum
Isch dr Trump wider gsund und gege Corona immun
me hett ihm au kai Medikament miesse verschriibe
bi so eme Typ mecht dä Virus nit bliibe

Im Frielig do hetts a harte Lockdown gää
Das hann i kenne locker nää
Was mi vill herter droffe hett
Isch der Lockdown deheim vo dr Frau im Bett

Friener het me zur Begriessig s Hüettli glupft
Zu Coronazyte wird mit em Elleboge gstupft
Fyr zum Adiee saage do duesch jetz wingge
Oder em andere aifach ins Fudi gingge

D Martullo isch Im Root mit Mundschutz umgrennt
Au mit derre Vermummig hänn si alli kennt
Zwar seet me si nimmi die Blocherschnuure
Aber dr Misch wo si verzellt kunnt ainewäg duure

Dr König vo Spanie hett bschisse und glooge
Jetz hett är drum au der Blindi zooge
Bi uns in Basel isch es nitt esoo
Der Burgener isch immer no doo

Dr Trump verlosst d'Biihni voller Wuet und Fruscht
D'Ami hän e Alte gege e Uralte tuscht
Viilicht bruchts eher e Junge fitte
Wo dä Riss durchs Land nomol kennti kitte